

**COLLECTIVITE TERRITORIALE DE CORSE  
ASSEMBLEE DE CORSE**

**3EME SESSION EXTRAORDINAIRE POUR 2016**

**26 ET 27 MAI**

**N° 2016/E3/031**

**QUESTION ORALE DEPOSEE PAR M. Christophe CANIONI  
Au nom du groupe « FRONT NATIONAL »  
DUMANDA À BOCCA POSTA DA U SGIÒ Christophe CANIONI  
À u nome di u gruppu « FRONT NATIONAL »**

**OBJET :** **Problématique du TAFTA dans notre agriculture.**

**OGETTU :** **Prublematica di u TAFTA in a nostra agricultura.**

O Sgiò Presidente

Mentre l'ultima seduta di dumande à bocca, aghju mintuvatu a prublematica di u TAFTA per raportu à a nostra agricultura.

Permettite mi di ramentà à a ripresentazione territoriale l'acchisi di s'accordu , chì c'inchietta assai per l'avvene di i nostri agricoltori è pruduttori.

S'accordu hà per fine di creà un gran mercatu di 800 milioni di cunsumatori trà i Stati Uniti è l'Unione Europea cù cunsequenza una calata di i diritti di dugana chì favurizerà l'USA. Ma, ciò chì hè, di manera certa, unu di i punti i più impurtanti di stu trattatu, prevede una convergenza di e norme regulamentarie in materia alimentaria è sanitaria.

Disgraziatamente, l'armunizatione di e norme regulamentarie chì serà messa in piazza in u quadru di u trattatu transatlanticu e metterà à paru cù quelle aduprate in i Stati Uniti.

Sapemu tutti ch'è in i Stati Uniti, e norme alimentari ma dinù suciale sò menu custrighjente chì e norme francese o europe.

Avemu tutti intesu parlà di u pullastru lavatu à u cloru, simbule assardu di una sregulamentazione scema per u più grande prufittu di i giganti di l'agroalimentariu. Sapemu dinù chì a filiera carne adopra l'ormone à buzeffu è chì certi additivi alimentari pruibiti ind'è noi seranu permessi.

Di listessa manera, l' Appellation d'Origine Cuntrullata ùn sò micca ricunnisciute da i Stati Uniti, è sè l'AUC, diventate incù l'armunizatione Europe

AUP, Appellazione d'Origine Pruttetta, vinia à smarrisce, saria una catastrofa per a nostra agricultura è per i nostri labelli di qualità chì sò l'anima di u nostru territoriu.

I nostri pensieri si sò ghjustificati, o Sgiò Presidente, postu chì oghje, incù un solu esempiu simbolicu per illustrà u mo dettu, u cutidianu regionale titulava : U brocciu in periculu di colpa à l'accordu di libaru scambiu incù u Canada.

Indè s'articulu, François Alfonsi è José Bové dumandavanu a messa in manu di a Corte Europea di ghjustizia, invece chì i movimenti naziunalisti ùn anu mai fattu un misteru di u so sustegnu à l'Unione Europea, rispunsevule di issa situazione.

Vi mittimu davanti à e vostre cuntradizione. Vi dumandemu, o Sgiò Presidente, di piglià a rispunsabilità pulitica di dinucià issu accordu, cumè u Fronte Naziunale hè statu solu à falla, aspessu, dipoi u principiu di e negoziazione trà l'UE, i Stati Uniti è u Canada.

Cusì, e per fà cum'è l'astre Cullettività Tarritoriale l'anu digià fatta , vi femu cum'è pruposta di sottumette à l'Assemblea Territoriale una deliberazione chì mittaria simbolicamente a Corsica fora di u TAFTA.